



Broj: 05-OK-11/2019  
Datum: 19. novembar 2019. godine  
22. rebi'u-l-evvel 1441. h.god.

Na pažnju imama, predsjednika džemata,

Džematskog i Nadzornog odbora džemata BIG Frankfurt

**Predmet: Slučaj džemata BIG Frankfurt**

Poštovani, Es-Selamu alejkum

Grupa džematlija koju čine nekoliko članova aktuelnog saziva džematskog i nadzornog odbora, predvođena aktuelnim predsjednikom džematskog odbora BIG Frankfurt, obratila se glavnom imamu MIZ Frankfurt, Fahrudin ef. Džiniću i izvjestila ga o nepravilnostima u radu džemata, s posebnim naglaskom na nepravilnosti u radu imama, Muharem ef. Šabića. Glavni imam MIZ Frankfurt, Fahrudin ef. Džinić je obavio razgovor sa spomenutom grupom džematlija, a potom i sa spomenutim imamom. Kako razgovori i smjernice koje je dao nisu urodile plodom, ponovo je pozvao istu grupu na razgovor, a poziv je uputio i imamu, obavještavajući ga da će sastanku prisustvovati i glavni imam za Njemačku, muftija, dr. Osman ef. Kozlić. Sastanak je održan u Wiesbadenu, 5.11.2019.godine u večernjim satima. Sastanku nije prisustvovao Muharem ef, ali je naknadno pozvan da dođe u Wiesbaden na razgovor sa Fahrudin ef. Džinićem, glavnim imamom MIZ Frankfurt i muftijom Kozlićem. Razgovor s njim je obavljen nekoliko dana kasnije u prostorijama IZBNJ u Wiesbadenu.

Imajući u vidu saznanja do kojih smo došli iz spomenutih razgovora, mišljenja smo da imam, predstavnici džemata i svi oni kojih se ovo tiče trebaju postupiti na slijedeći način:

a) U cilju očuvanja mira u džematu i njegove zaštite, potrebno je suzdržati se od ishitrenih reakcija koje bi dodatno mogle zakomplicirati stanje u džematu, te njegov opstanak dovesti u pitanje

b) S obzirom da je održana skupština džemata na kojoj je izabrano novo rukovodstvo, mišljenja smo da je legalno na džematskoj skupštini birati rukovodstvo, s tim da će za nas u IZBNJ skupština biti legitimna tek kada sud odluči da je ista zakazana i održana onako kako propisuju zakoni SR Njemačke. S tim u vezi sugeriramo svim stranama da sačekaju mišljenje nadležnog suda o legitimitetu skupštine, a do tada je aktuelni saziv džematskog odbora legitimni predstavnik džemata koji je registrovan u nadležnom sudu. Ukoliko sud utvrdi nepravilnosti u radu skupštine, ista se mora ponovo održati i na njoj se mora izabrati rukovodstvo shodno izbornim pravilima IZBNJ odnosno pozitivnim zakonskim propisima u Njemačkoj.

c) U ovakvoj situaciji dok sud ne utvrdi konačno stanje, nije moguće djelovati u cilju poboljšanja rada džemata, jer prema važećem zakonu i statutu džemata mi i nemamo pravo na to. Zbog toga vam savjetujemo da čim prije usvojite jedinstveni džematski statut i registrujete ga u sudu kako bi se čim prije stekli uslovi za normalno funkcioniranje i zajednički rad u Zajednici. Smatramo da je sada važno riješiti pitanje legitimiteta skupštine odnosno biranja rukovodstva džemata, pa tek onda govoriti eventualno o odgovornosti pojedinih aktera u ovom slučaju, svedeno da li je riječ o imamu ili članu džematskog odbora. Svaki drugi put koji eventualno izaberete, a posebno ako se odlučite da pokrenete krivični proces protiv pojedinih lica, prouzrokovat će dodatne komplikacije i dodatno otežati situaciju. Pitanje odgovornosti pojedinaca u Zajednici je moguće pokrenuti, postoji procedura i za to, ali vas molimo da to sada ne pokrećete, jer će to pitanje slijedom događanja samo doći na red.

U nadu da ćete učiniti dodatne napore da sačuvate dignitet vašeg džemata, da ćete strpljivo uz razgovor i dogovor tražiti najbolja rješenja, najiskrenije vas molimo da uvažite ove naše smjernice i sugestije koje imaju za cilj da džematski odbor funkcionira na zadovoljstvo svih nas.

Glavni imam za Njemačku, muftija, dr. Osman ef Kozlić

